

INUIT ATAQATIGIIT

Inatsisartuni



UKA 2018/79-50
Ulloq 22. Oktober 2018
Sofia Geisler

UKA 2018/79

Kingusinnerpaamik UKA 2019-mi aningaasarsiaqartitaanermut inatsisip allanngortinnissaanut siunnersuusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, tassani aalajangersarneqassalluni, Inatsisartunut ilaasortat Folketingimi ilaasortaasut imaluunniit aamma kommunalbestyrelsimi ilaasortaasut aningaasarsiaat appartinneqartassasut tassani atorfirmik aappaani aningaasarsiaasa amerlaqataannik aamma taamannak ilanngaassisoqartassasoq borgmesteritut, borgmesterilluunniit tullersortaattut atorfik eqqarsaatigalugu.

Inatsit atortussanngortinneqassaaq tulliani Inatsisartunut qinersisoqarneraniit.

(Inatsisartunut ilaasortaq Tillie Martinussen, Suleqatigiissitsisut)

UKA 2018/50

Aningaasarsiaqartitaaneq pillugu inatsisip ilaasortaajunnaarnersiutisiaqartarnermut malittarisassartaasa allanngortinnissaannut siunnersuuteqaqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni ilaasortaajunnaarnersiutisiaqarnerup nalaani akissarsiat tamarluinnaasa ilaasortaajunnaarnersiutisianit ilanngaatigineqarsinnaanngorlugit. (Inatsisartunut ilaasortaq Niels Thomsen, Demokraatit)

Inatsisartunut ilaasortat Tillie Martinussenip, Suleqatigiissitsisuneeqarup, kiisalu Niels Thomsenip Demokraatineequeqarup, siunnersuutaat arlalitsigut soqutiginaateqarput.

Apeqqutit pingortut pingaarutillit ilagaat Inatsisartoqarneq qanoq sinaakkuteqartumik siunissami atuutsinniarnerrippat. Inatsisartunut ilaasortaannitta saniatigut allamik suliffeqarsinnaatitaassaagut? Piffissaq tamaat Inatsisartunut ilaasortaannitsinnut atulissanerippat aammalu marluinnik qinikkatut atuuffeqartarneq partiit namminneq paasinninnerat naliliinerallu aallaavigalugu maleruagassiuunneqassanersoq. Inuit Ataqatigiinniit isumaqarpugut piffissanngorluarsimasinnaasoq Inatsisartut ataatsimiinnerata ukioq kaajallallugu ingerlanneqartalernissaanut alloriarnissamut, taamaassappallu soorunami pingaaruteqarpoq partiit eqqartuinissaannut ukioq kaajallallugu ataatsimiittarnissap qanoq ittunik sinaakkuserneqarluni ingerlanneqarnissaa pillugu.

Inuit Ataqatigiinnut qularnanngitsoq tassaavoq Inatsisartuni sulineq piffissaq tamaat suliffiummat, ilaasortat tunniusimajuarnissaannik pisariaqartitsisoq. Inuit Ataqatigiinnut pingaaruteqarpoq Inatsisartuni ilaasortaattitatta qinikkatut sulinerminnik isumaginninnissaminnut tunniussimanissaat. Uatsinnummi pingaaruteqarpoq qinikkatut suliassatsinnut pullaviginnilluarsimanissarput.

Taamaattoq Kommunalbestyrelsenut Inatsisartunullu qinikkatut atuuffeqartut Kommunalbestyrelsemit aningaasarsiaasa Inatsisartunut ilaasortaanerminnit aningaasarsianit ilanngaatigineqartalernissaannut Tillie Martinussenip siunnersuutaa soqutiginarikkaluarlugu isumaqarpugut tamanna eqqartorluaqqissaartariaqartoq. Kommunalbestyrelsemut Inatsisartunullu ataatsikkut ilaasortaanermi aningaasarsiarineqartartut allannguuteqassappata tamatuma Inatsisartoqarnerup qanoq suliffiunissaanut aallartinninni oqaaserisannut attuumassuteqartillugu eqqartorneqarnissaa innersuussutigissavarput.

Taamak oqaaseqarluta siunnersuut ataatsimiititaliamut susassaartumut innersuupparput, tassani sukumiisumik eqqartugassanngorlugu.

Inatsisartunut ilaasortap Demokraatineersup Niels Thomsenip aalajangiiffigisassatut siunnersutaata oqaluserisassani immikkoortoq 50-ip imarisaatut imalik siusinnerusukkulli isummerfigereersimavarput. Tassalu ilaasortaajunnaarnersiutisiaqarnerup nalaani qinikkatut sulinerup avataaniittumik atorfeqalernermi akissarsiat ilaasortaajunnaarnersiutisianit ilanngaatigineqartarnissaat pillugu siunnersuutigineqartumut Inuit Ataqatigiinniit tapersiilluta manna aqqutigalugu oqaatigissavarput. Taamalu ataatsimiititaliamut attuumassuteqartumut ingerlatinneqarnissaa innersuussutigalutigu.